



ՍՈՒՐԲ ԶԱԿՈՒՄ ԱՌԱՋՆՈՐԴԱԿԱՒՄ ՄԱՅՐ ԵԿԵՂԵՑԻ

Յիսուսի Վեճերորդ Կրտսեր
24 ԴԵԿՏԵՄԲԵՐ 2023

ԸՆԹԵՐՑՈՒՄ
ԵՍԱՅԻ ՄԱՐԴԱՐԵՒ ԳԻՐՔԵՆ
(41.4-14)

Այսպէս կ'ըսէ Տէրը.-«Ո՞վ ըրաւ, ո՞վ իրականացուց այս բոլորը, ո՞վ որոշեց պատմութեան ընթացքը, եթէ ոչ ես՝ Տէրս, որ անոր սկիզբը դրի եւ զայն կը դեկավարեմ մինչեւ գալիք յաւիտեանը։ Հեթանոսները զիս տեսան եւ վախցան, հեռաւոր ազգեր իրենց սարսափէն մօտեցան, իրարու քով եկան։ Արհեստաւորներ որպէս ընկեր ու եղբայր զիրար քաջալերեցին, հիւսնը ոսկերիչին օգնեց, ձուլագործը՝ դարրինին։ Իրարու ըսին. “Լաւ եղաւ այս օգնութիւնը”, եւ կուռքերը իրենց տեղը գամեցին, ամրացուցին այնպէս՝ որ չշարժին։ Բայց դուն, հսրայէլ, դուն իմ ծառաս ես, ո՞վ Յակոր, ե՞ս քեզ ընտրեցի, ո՞վ սերունդ Աբրահամի՝ զոր սիրեցի. քեզ աշխարհի չորս ծագերէն բերի, աշխարհի հեռաւոր անկիւններէն քեզ կանչեցի, ըսելով. “Իմ ծառաս ես դուն”. չլքեցի քեզ, որովհետեւ իմ ընտրածս ես դուն։ Հետեւաբար մի՛ վախնար, ես հետդ եմ. մի՛ շփոթիր, քու Տէր Աստուածդ եմ ես. պիտի զօրացնեմ քեզ, պիտի օգնեմ քեզի եւ իմ աջովս պիտի պահպանեմ եւ արդարացնեմ քեզ։ Ահա քու բոլոր հակառակորդներդ պիտի ամշնան ու գլուխնին կախեն, իսկ քեզ ամբաստանողները պիտի կորսուին ու չքանան։ Պիտի փնտուս բայց պիտի չգտնես անոնք՝ որ քեզի թշնամութիւն ըրին, պիտի չքուին, գոյութենէ պիտի դադրին քեզի դէմ պատերազմողները։ Որովհետեւ ես՝ քու Տէր

... ես՝
իու Տէր
Աստուածդ,
իու ձեռիդ
ընեած եմ
եւ ինքի
կ'ըսեմ. “Մի՛
վախնար,
պիտի օգնեմ
քեզի”։

Աստուածդ, քու ձեռքդ բռնած եմ եւ քեզի կ'ըսեմ. “Մի՛ վախնար, պիտի օգնեմ քեզի”։ Մի՛ վախնար, ո՞վ Յակորի մնացորդ, փոքրաթիւ հսրայէլ, ահա ես կ'օգնեմ քեզի», - կ'ըսէ հսրայէլի Սուրբ Աստուածը, որ քեզ պիտի փրկէ։

ՊՕՂՈՍ ԱՌԱՔԵԱԼԻ
ԵԲՐԱՅԵՑԻՆԵՐՈՒՆ ԳՐԱԾ ՆԱՄԱԿԻՆ
(7.11-25)

Գիտենք թէ Ղեւտացիներու քահանայութիւնն էր հիմը սրբութեան այն օրէնքին որ հսրայէլի ժողովուրդին տրուեցաւ։ Արդ, եթէ կարելի ըլլար այդ քահանայութեան միջոցաւ կատարելութեան հասնիլ, Աստուած ի՞նչ պէտք պիտի ունենար նոր քահանայապետ մը տալու Մելքիսեդեկի օրինակով եւ ո՛չ Ահարոնի քահանայութեան շարունակութենէն։ Միւս կողմէ, քահանայութեան փոխուելուն հետ սրբութեան օրէնքն ալ պէտք էր փոխուէր. որովհետեւ Քրիստոս, որուն մասին կը խօսուի, կը պատկանէր ուրիշ ցեղի մը, որուն անդամներէն ո՛չ ոք քահանայութեան պաշտօնը ստանձնեց երբեկից։ Արդ, յայտնի է թէ մեր Տէրը Յուղայի ցեղէն էր, մինչդեռ այդ ցեղէն գալիք քահանայութեան մը մասին Մովսէս ոեւէ բան չըսաւ։

Փոփոխութիւնը աւելի բացորոշ է անով՝ որ կը յայտնուի քահանայ մը որ Մելքիսեդեկի նման է. այսինքն՝ մարմնաւոր կեանքի յատուկ օրէնքներու եւ կարգերու համաձայն չէ՝ որ քահանայ եղած է, այլ՝ յաւիտենական կեանքի մէջ ի զօրու եղող օրէնքով։ Անոր մասին վկայեց սաղմոսագիրքը, ըսելով. “Դուն յաւիտեան վահանայ ես, Մելքիսեդեկին պէս”։ Բացայատ է, թէ նախկին պատուիրանը մէկդի կը դրուի,

անգօր եւ անօգուտ ըլլալուն համար, որովհետեւ Օրէնքը չկրցաւ ուեւէ բան կատարելութեան հասցնել. եւ հիմա աւելի լաւ յոյս մը տրուեցաւ մեզի, որով Աստուծոյ կը մօտենանք:

Աւելին, այս նոր քահանայութիւնը երդումով տրուեցաւ, մինչդեռ միւսներուն քահանայութիւնը երդումով տրուած չէ: Քրիստոս քահանայ եղաւ Աստուծոյ երդումով, ինչպէս սաղմոսագիրքը կ'ըսէ.

“Տէրը անդառնալի երդում ըրաւ, ըսելով.-

Դուն յաւիտեան քահանայ ես, Մելքիսեդէկին պէս”:

Եւ այսպէս, Յիսուս գերազանց ուխտի մը երաշխաւորը եղաւ: Ի վերջոյ, միւս քահանաները թիւով շատ կ'ըլլային, որպէսզի մէկուն կամ միւսին մահով քահանայութիւնը չընդհատուէր: Բայց որովհետեւ Յիսուս յաւիտեան կ'ապրի, իր քահանայութիւնն ալ անվախճան է: Ուստի նաեւ կրնայ վերջնականապէս փրկել անոնք որոնք իր միջոցաւ Աստուծոյ կու գան, որովհետեւ միշտ կենդանի ըլլալով՝ տեւաբար բարեխօս կ'ըլլայ անոնց համար:

ՅԻՍՈՒՍ ՔՐԻՍՏՈՍԻ ԱՒԵՏԱՐԱՆԻՆ ԸՍ ՂՈՒԿԱՍԻ (19.11-28)

Մինչ ժողովուրդը անոր ըսածները մտիկ կ'ընէր, Յիսուս իր խօսքը շարունակեց, եւ երուսաղէմի մօտեցած ըլլալով ու գիտնալով որ ժողովուրդը կը կարծէ թէ Աստուծոյ արքայութիւնը շուտով պիտի յայտնուի, հետեւեալ առակը պատմեց անոնց.-

«Ազնուական մարդ մը կար, որ հեռաւոր երկիր մը գնաց, որպէսզի թագաւորական իշխանութիւն առնէ եւ իր երկիրը վերադառնայ: Նախքան մեկնիլը, կանչեց իր տասը ծառաները եւ իւրաքանչիւրին հարիւր արծաթ դահեկան տուաւ եւ ըսաւ. “Շահարկեցէ՞ք այս դրամը մինչեւ վերադառն”»: Բայց իր քաղաքացիները կ'ատէին զինք. հետեւաբար պատգամաւոր զրկեցին իր ետեւէն, ըսելով. “Զենք ուզեր

որ ան մեր վրայ թագաւոր դառնայ”»: Երբ որ ազնուականը թագաւորական իշխանութիւնը առաւ եւ վերադառնաւ, անմիջապէս կանչեց իր ծառաները, որոնց դրամ տուած էր, գիտնալու համար թէ ինչ շահած են: Առաջինը եկաւ եւ ըսաւ. “Մէկ տուածիդ դէմ տասը շահեցայ”»: Տէրը ըսաւ. “Ապրի՛ս, բարի ծառայ, քանի այդ փոքրիկ բանին մէջ հաւատարիմ գտնուեցար, ահա քեզ տասը քաղաքներու վրայ կառավարիչ պիտի նշանակեմ”»: Երկրորդ ծառան ալ եկաւ եւ ըսաւ. “Մէկ տուածիդ դէմ հինգ շահեցայ”»: Տէրը ըսաւ. “Քեզ ալ հինգ քաղաքներու վրայ կառավարիչ կը նշանակեմ”»: Երրորդը եկաւ եւ ըսաւ. “Տէ՛ր, ահաւասիկ տուած դրամդ, զայն պահեցի թաշկինակի մը մէջ ծրարած: Կը վախնայի քեզմէ, որովհետեւ խիստ մարդ մըն ես: Կ'առնես ինչ որ քուկդ չէ եւ կը հնձես ինչ որ չես սերմանած, ինչո՞ւ ուրեմն դրամս սեղանաւորներուն չտուիր, քանի գիտէիր նաեւ թէ վերադարձիս զայն տոկոսով միասին պիտի պահանջէի”»: Ապա սպասաւորներուն ըսաւ. “Առէք իրմէ դրամը եւ տարէք տուէք անոր որ տասնապատիկը շահած է”»: Անոնք ըսին. “Տէ՛ր, անիկա արդէն տասնապատիկը ունի”»: “Գիտցէ՞ք,- ըսաւ ան,- ունեցողին աւելիով պիտի տրուի, իսկ չունեցողէն պիտի առնուի նոյնիսկ իր ունեցած ամենէն փոքր բաժինն ալ: Իսկ իմ թշնամիներս, որոնք չեն ուզեր որ իրենց թագաւոր ըլլամ, հոս բերէք եւ իմ ներկայութեանս սպաննեցէք զանոնք”»:

Այս խօսքերը ըսելէ ետք Յիսուս շարունակեց իր ճամբան դէպի երուսաղէմ:

... ունեցողին
աւելիով
պիտի
տրուի, իսկ
չունեցողէն
պիտի
առնուի
նոյնիսկ իր
ունեցած
ամենէն փոքր
բաժինն ալ:

